



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XI. De effectu huius Sacramenti.

[urn:nbn:de:hbz:466:1-53934](https://nbn-resolving.de/urn:nbn:de:hbz:466:1-53934)

naturam elementorum, & eam esse corruptibilem, & salutem adferre non posse, & vim spiritalem à verbo Dei impressam, & ratione illius aquam in Baptismo, & panem, ac vinum in Eucharistia salutem adferre. At cur, quæso, non idem nos de oleo dicere possumus?

TERTIA obiectio est Kemnitij 2. parte Examinis pagin. 288. forma huius Sacramenti: *Signo te signo crucis, et c.* non habetur in vetustis scriptoribus, nec in ipsis Canonibus, &c. RESPONDEO; Iam reddidi caussam huius rei.

QUARTA obiectio ibidem. In ipsis Pontificalibus non est eadem forma. Nam Gabriel recitat quosdam pro *Chrismate salutis*, dicere: *Chrisma sanctificationis*, & Gerson habet formam *Firmo te signo crucis, et Chrismate salutis*. RESPONDEO; ista omnia in idem coincidere cum nostra forma: semper enim est idem sensus, siue dicas: *Salutis*, siue *sanctificationis*, siue *confirmationis*, siue *firmo*, &c. quamvis enim oporteat præscriptis verbis vti, & nihil mutare, & qui secus faciunt, peccent, tamer, (vt sepe diximus) dum idem sensus manet, semper Sacramentum conficitur: & potest facilè fieri, vt in variis Ecclesiis sit aliqua varietas in vocibus, modò maneat sententia eadem: vt etiam patet in forma Baptisini Latinorum, & Græcorum.

C A P V T XI.

De effectu huius Sacramenti.

DUXPLEX est Sacramentum huius effectus. VNVS, quod gratiam conferit gratum facientem, & quidem maiorem, quam ipse Baptismus, in ordine ad roboran^m animam contra Diaboli impetus: sed minorē in ordin^m ad remissionem peccati, quia non remittit totam pœnam, vt facit gratia Baptismi. Neque est opus hic aliquid adders, cùm id satis copiose probatum sit supra in prima Conrouersia: inde enim probauimus, Confirmationem esse Sacramentum propriè dictum, quia Scripturæ, & Patres omnes affirman^t, dari per hanc cærimoniam copiosissimam gratiam, atque adeò ipsum Spiritum sanctum.

ALTER effectus est character, quo adscribimur in Christi militiam, sicut per Baptismum in Christi familiam. Probatur autem

autem iste character Confirmationis, eo modo, quo character Baptismi, ex eo, quod non potest repeti Confirmationis. Nam supra ostendimus, rationem, cur Sacmenta quædam sint in iterabilia, nullam posse reddi sufficientem, præter characterem; quocirca etiam ab effectu demonstratur evidenter character, cum ostendimus aliquod Sacmentum esse initerabile.

Esse autem initerabilem Confirmationem PRIMO expreßè probatur ex Apostolo Hebr. 6. Non iterum iacentes fundatum pœnitentiæ ab operibus mortuū, & fidei ad Deum baptismatum dicitur, impositionis quoque manuum, &c. vbit est Chrysostomo, Theodoro, Theophylacto, & aliis, Apostolus per impositionem manuum intelligit Confirmationem, quæ dabatur statim post Baptismum; ac docet non licere ei, qui labitur post Baptismum, & Confirmationem, iterum redire ad Baptismum, & Confirmationem: hæc enim sunt fundamenta, quæ non iacentunt nisi semel. SEPTIMO idem patet ex Concilio Toletano VIII. can. 7. vbi aperte dicitur, Chisma semel collatum, repeti non posse ut nec sacrum Ordinari. Item ex Concilio Tarragonensi, & ex decreto Gregorij II. apud Gratianum, dist. 5. de consecr. can. dictum est, & can. de hon'ae: quibus adde Concilium Florentinum instruct. Armencrum & Trident. sess. 7. can. 9. TERTIO idem patet ex Patribus. Nam CYPRIANVS, seu quicunq; fuit auctor, in serm. de ablutione pedum: Baptismum, inquit, repeti Ecclesiastice prohibent regulæ: nemo sacros Ordines semel datos iterum renouat: nem̄ sacro oleo lita iterum linit, aut consecrat: nem̄ impositione manuum, vel ministerio derogat sacerdotū: quia contumelia esse Spiritus sancti, si euacuari posset, quod ille sanctificat, vel a lepra sanctificatio emendaret, quod ille semel statuit, & confirmat. VGVSTINVIS lib. 2. contra literas Petilinai, cap. 104 (vt suprà nos auimus) aperte docet, Sacmentum Chrismatis semel datum permanente etiam in pessimis, nec unquam aboleri: ex quo manifeste sequitur repeti non posse. Similia docent Rabanus libro 1. de inst. clericorum capite 30. Amalarius libro 1. de offi- ciiis Ecclesiasticis, capite 27. & alij recentiores.



CAPVT